

Bókhald, rekstur & ráðgjöf

MIDVIKUDAGUR 12. JÚNÍ 2019



Systurnar Katla og Ingibjörg Þorsteinsdóttir, eigendur bókhaldsstofunnar 3 Skref, hafa áratugareynslu af rekstri og stjórnun fyrirtækja. FRÉTTABLAÐIÐ/SIGTRYGGUR ARI

Byltingarkenndar nýjungar

Bókhaldsstofan 3 Skref leggur áherslu á að auðvelda vinnu við bókhaldið, auka gagnsæi og einfalda samskipti við viðskiptavininn. Nýlega skrifaði fyrirtækið undir tímamótasamning. ➔2



Katla og Ingibjörg hjá 3 Skrefum eru óhræddar við nýjungar. Uniconta kerfið er liður í að gera bókhaldið pappírslaut. FRÉTTABLAÐIÐ/SIGTRYGGUR ARI

Framhald af forsiðu →

Bókhaldsstofan 3 Skref er í eigu systrana Ingibjargar Þorsteinsdóttur viðskiptafræðings og Kötlu Þorsteinsdóttur lögfræðings. Báðar búa þær yfir áratugareynslu af rekstri og stjórnun fyrirtækja, bæði á almenna vinnumarkaðinum og hjá hinu opinbera.

3 Skref sinnir bókhaldsþjónustu fyrir allar stærðir og gerðir fyrirtækja. Meðal verkefna er bókun reikninga, launavinnsla, afstemmingar, rekstrarskýrslu- og ársreikningagerð og skil á virðisaukaskatti. Stofan sér einnig um skattframtöl fyrir einstaklinga og lögaðila og sér um stofnsamninga og skjalagerð þegar kemur að stofnun fyrirtækja og annarra félaga. Auk þess gerir stofan eignaskiptayfirlýsingar og skráningartöflur fyrir fjölbýlishús.

Auk systrana Ingibjargar og Kötlu starfa fjórir bókarar hjá fyrirtækinu, þær Agnes, Gulla, Diljá og Kolfinna. Allar leggja þær sig fram um að veita fyrirtaksþjónustu.

Pappírslaut bókhald

Ingibjörg og Katla segjast stöðugt vera að leita leiða til að finna hagræðingu fyrir viðskiptavinum sína og auka gagnsæi í bókhaldinu. Í liðinni viku skrifuðu þær undir samning við Svar ehf. um að taka upp Uniconta kerfið sem virkar þannig að allir reikningar koma fram með rafrænum hætti. Ýmist með PDF- eða XML-skjölum eða einfaldlega ljósmynd.

„Viðskiptavinurinn getur sett upp app í símanum sínum og ein-

faldlega tekið mynd af strimlinum og sent hann til okkar gegnum appið,“ segir Katla.

„Þetta er mjög þægilegt fyrir viðskiptavininn. Segjum sem svo að hann fari í byggingavöruslun og kaupir eitthvað fyrir fyrirtækið sitt. Áður þurfti hann að koma reikningnum til okkar. Núna er hægt að taka ljósmynd af strimlinum í búðinni, senda hana gegnum appið og reikningurinn er kominn inn í kerfið.“

Þær systur segja að Uniconta bókhaldskerfið sé mikil hagræðing fyrir kunnann auk þess sem það er umhverfisvænt sem hefur verið leiðarljós hjá fyrirtækinu.

„Þetta kerfi er mjög aðgengilegt fyrir viðskiptavininn. Hvort sem hann notar það í appinu eða í tölvu. Hann fær betri yfirsýn yfir eigin rekstur og getur fylgst mjög vel með stöðu bókhaldsins í rauntíma,“ segir Ingibjörg.

„Innleiðing Uniconta bókhaldskerfisins mun spara gríðarlegan tíma við bókhaldsvinnuna. Þetta er bara framtíðin í dag, það er allt í skýjum og öppum, það er framtíðin að losna við allan þennan svakalega pappír.“

Katla segir að innleiðingarferlið muni taka einhvern tíma. Hingað til hafa þær unnið í DK og Navision en smám saman munu þær færa viðskiptavinina úr þeim kerfum yfir í Uniconta. „Fyrir stærri fyrirtæki með flóknara bókhald mun ferlið taka lengri tíma. En það er klárlega framtíðin samt sem áður.“

Hagræðing að útvista bókhaldinu

Einn markhópur fyrirtækisins eru lítil fyrirtæki af þeirri stærðargráðu að starf bókhaldara er kannski ekki nema 70-80%. „Í þeim tilvikum er það klárlega hagræðing fyrir fyrirtækin að útvista bókhaldinu til fyrirtækis eins og okkar sem er með þetta rafrænt,



Auk systrana Ingibjargar og Kötlu starfa fjórir bókarar hjá fyrirtækinu, þær Agnes, Gulla, Diljá og Kolfinna.

„Áður þurfti að koma reikningnum til okkar. Núna er hægt að taka ljósmynd af strimlinum í búðinni, senda hana gegnum appið og reikningurinn er kominn inn í kerfið.“

það er svo mikill tímasparnaður,“ segir Ingibjörg.

Ásamt því að sinna bókhaldsþjónustu gerir fyrirtækið 3 Skref skráningartöflur og eignaskiptayfirlýsingar. Skráningartafla inniheldur upplýsingar um stærðir allra rýma byggingar, eignatengingar og aðrar grundvallarupplýsingar. Skráningartöflu þarf að gera fyrir nýbyggingar, endurbýggingar og breytingar á byggingum.

Í eignaskiptayfirlýsingu kemur fram hvernig eign, mannvirki eða lóð, er skipt á milli eigenda ásamt því hvort um sé að ræða séreign, sameign sumra eða sameign allra. Eignaskiptayfirlýsing á að vera til fyrir öll fjöleignarhús og tilheyrandi lóðir.

„Við erum að vinna skráningartöflur og eignaskiptayfirlýsingar

bæði fyrir nýbyggingar og eldri hús,“ segir Ingibjörg. „Sumir koma til okkar og láta gera eignaskiptayfirlýsingu fyrir gömul hús af því lögin voru sett eftir að húsin voru byggð. Þá er kannski einhver í húsinu að flytja og verið er að gera yfirlýsingu vegna þess. Eins þarf að gera nýja eignaskiptayfirlýsingu og skráningartöflu ef fólk er til dæmis að bæta við svölum á eina íbúð í fjölbýlishúsi. Allar breytingar við hús hafa áhrif á hvernig það skiptist á milli eigenda.“

Ingibjörg segir að 3 Skref sé ung bókhaldsstofa. Hún hafi starfað í núverandi mynd í þrjú ár. Styrkleiki fyrirtækisins að hennar mati er sá að þær eru ekki hræddar við nýjungar. „Okkur finnst þær bara spennandi.“



Hugbúnaðarlausnir fyrir verslun og þjónustu

Bókhaldskerfi | Birgðakerfi | Afgreiðslukerfi | Innkaupakerfi

dk hugbúnaður er eitt stæsta hugbúnaðarfyrirtæki landsins. Allt frá upphafi hefur dk viðskiptahugbúnaðurinn verið hjartað í starfsemi okkar. Hugbúnaðurinn er í dag leiðandi bókhalds- og viðskiptahugbúnaður fyrir minni og meðalstór fyrirtæki og þá hefur færst í vöxt að stór fyrirtæki séu farin að velja hugbúnaðinn fyrir sína starfsemi. Yfir 6.500 fyrirtæki nýta sér þjónustu dk hugbúnaðar í dag og yfir 4.500 fyrirtæki eru með bókhaldið í skýinu hjá dk. Hafið samband við okkur og fáið kynningu á þeim fjölbreyttu lausnum sem dk hugbúnaður hefur fyrir verslun og þjónustu.



Smáratorgi 3 | 201 Kópavogi
Hafnarstræti 53 | 600 Akureyri
510 5800 | dk@dk.is | www.dk.is
dk hugbúnaður 20 ára | 1998-2018



Regla, bókhalds- og viðskiptakerfi

Regla býður bókhalds- og viðskiptakerfi í áskrift á netinu eða „í skýinu“ og því er engin þörf á hýsingu eða rekstri á eigin tölvupjónum.

Þar sem um 100% skýjalausn er að ræða virkar Regla óháð stýrikerfum og virkar jafn vel á PC og Apple tölvum. Það eina sem þarf að gera til að komast í gögnin er að fara inn á regla.is og byrja að vinna. Viðskiptavinir Reglu eru því alltaf með nýjustu útgáfuna af kerfinu og þurfa ekki að hafa áhyggjur af dýrum uppfærslum á komandi árum. Reksturinn verður hagkvæmari, einfaldari og öruggari með heildar viðskiptakerfi frá Reglu þar sem allar kerfiseiningar tala saman.

Hvert er markmið Reglu?

„Markmið félagsins hefur frá upphafi verið að minnka vinnuna við bókhaldið með aukinni sjálfvirkni og nútímalegum vinnubrögðum. Sem dæmi má nefna að hægt er að tengja bókhaldskerfi Reglu við bankann þannig að allar færslur lesast inn sjálfkrafa. Regla lærir síðan á færslurnar og gerir bókunartillögur á rétta bókhaldslykla. Einnig er hægt að tengja rafræn eða skönnuð fylgiskjöl

við færslur eða tímabil með innbyggðu skönnunarforriti og appi fyrir Android síma,“ segir Darri Örn Hilmarsson, sölu- og markaðsstjóri Reglu.

Hvaðan kemur Regla?

„Öll kerfin okkar eru þróuð og smíðuð af okkur og eru því íslensk hönnun. Kerfið er smíðað fyrir íslenskan markað jafnt sem erlendan og er fánlegt á mörgum tungumálum. Það eru margir sérfræðingar sem hafa komið að þessari uppbyggingu en við hlustum einnig mikið á þarfir okkar viðskiptavina. Við segjum stundum, bæði í gríni og alvöru, að þeir séu bestu kerfisfræðingarnir. Að þróa nýja kynslóð bókhaldskerfis hefur verið spennandi vegferð undanfarin 11 ár en í dag starfa 12 starfsmenn við þróun, þar af átta við forritun auk tveggja við sölu og þjónustu.“

Hvað er það nýjasta hjá ykkur?

„Til að byrja með vorum við bara með þrjár kerfiseiningar; fjárhagsbókhald, sölukerfi og verkboðhald. Með tímanum hafa bæst við fleiri kerfi á borð við launakerfi á mörgum tungumálum, vefþjónustu við önnur kerfi og afgreiðslukerfi eða „kassakerfi“ eins og þau eru oft kölluð. Nýjasta varan okkar er hins vegar netverslunartenging við Shopify og Woocommerce heimasíður. Með þessari tengingu bókast öll sala í rauntíma og birgðir haldast réttar, sama hvort salan á sér stað í verslun eða á netinu.“

Krefst rekstur Reglu mikillar vörupróunar?

„Allar okkar kerfiseiningar eru í stöðugri þróun og við hlustum mikið á ábendingar og þarfir viðskiptavina okkar. Þessa dagana



Regla ehf. hefur þróað nýja kynslóð bókhaldskerfis. FRÉTTABLAÐIÐ/SIGTRYGGUR ARI

“Allar okkar kerfiseiningar eru í stöðugri þróun og við hlustum mikið á ábendingar og þarfir viðskiptavina okkar.

erum við til dæmis að þróa kassakerfið okkar enn frekar með nýjum veitingastað og munum á næstu dögum setja upp okkar fyrsta eldhússkjakerfi (e. kitchen display system). Hingað til hafa pantanir hrannast upp á miðum inni í eldhúsi og ef einn miðinn dettur þá er sú pöntun bara týnd. Með nýja kerfinu okkar munu allar pantanir skila sér á mismunandi snertiskjái inn í eldhúsi. Þannig fer til dæmis hamborgari á skjáinn hjá grillinu á meðan salat fer á annan skjá hjá grænmetinu.

Kokkarnir geta síðan merkt við þegar hver réttur fer í gang eða er tilbúinn fyrir þjóninn.“

Hvað er fram undan?

„Eins og ég segi þá er stöðug vörupróun í gangi og margt spennandi fram undan. Við erum til dæmis að vinna í tímaskráningar-kerfi sem mun tengjast beint við launakerfið. Við sjáum líka að þróunin er í þá átt að fólk vill gera sem mest úr símanum sínum en það er stór partur af því verkefni sem við erum að vinna í undir vinnuheitinu „Skrifstofan í símann“.“

Grét af létti

Eftir sextán tíma strangt löggildingarpróf útskrifaðist Hörður Freyr Valbjörnsson sem löggiltur endurskoðandi í fyrstu atrennu.

Ég get viðurkennt að ég grét af gleði og létti þegar ég fékk póstinn um að hafa náð löggildingarprófinu. Það var mikið spennufall eftir að hafa beðið í rúma tvo mánuði eftir niður-

stöðunni,“ segir Hörður, löggiltur endurskoðandi hjá Icelandair. Hann er einn tíu nýlega útskrifaðra löggiltra endurskoðanda.

„Námið er strembið í heild sinni en allra erfiðasti hjallinn er



Hörður Freyr er löggiltur endurskoðandi. FRÉTTABLAÐIÐ/ANTON BRINK

löggildingarpróf atvinnuvega- og nýsköpunarráðuneytisins og tilhugsunin um sextán klukkustunda próf þar sem sögulega hefur verið í kringum 70 prósent fall. Það er almenn hræðsla við þetta próf sem má líkja við herbúðir. Í því er enginn matartími né pásur og í prófinu er ekkert gefins. Það tekur því á andlega að fara inn í skólastofu til að reikna og skrifa í átta tíma, tvo daga í röð,“ segir Hörður sem er ekki sannfærður um að prófið þurfi að vera svo strangt.

„Það eru miklar umræður um að breyta próffyrirkomulaginu. Áður voru þetta þrjú próf og hægt að fara í eitt próf á ári en eftir að þau voru sett saman í eitt próf hefur reynst erfiðara að ná því og margir fara tvisvar, þrisvar og jafnvel fjórum sinnum áður en þeir ná því,“ upplýsir Hörður.

Stimpill sem endist út lífið

Hörður tók BS-próf í viðskiptafræði frá Háskóla Íslands og fór þaðan í meistaranám í endurskoðun og reikningsskilum við HÍ. „Meistaránámið þykir mjög strembið en það hjálpaði mér að

vinna á endurskoðendastofunni KPMG samhliða náminu. Ég fékk smjörþefinn af endurskoðun í menntaskóla og fannst hún heillandi. Eftir að hafa unnið í Arion banka um tíma var ég ráðinn til KPMG og eftir fyrsta árið fann ég hversu umfangsmikið starfið er og að ég hafði einlægán áhuga á því,“ segir Hörður sem fór í þrjú ára starfsnám undir leiðsögn endurskoðanda hjá KPMG.

„KPMG reyndist mér afar vel og gaf mér tvo mánuði í upplestrarfrí fyrir löggildingarprófið. Prófið samanstendur af þremur meginstöðum; reikningsskilum, endurskoðun og sköttum, og maður þarf að átta sig á í hverju maður er bestur og herða sig í því sem maður er veikari í,“ segir Hörður.

„Það er til mikils að vinna að ljúka náminu því maður uppsker gott og vel launað starf. Ég horfði til þess að löggildingin væri stimpill sem ég byggi að út lífið.“

Fleiri látast en bætast við

Hörður er 29 ára og var sá yngsti sem tók löggildingarprófið nú. „Ég er ungur í þessum geira og

eins og er látast fleiri endurskoðendur á ári en bætast við í stéttina. Við erum að verða sjaldgæfari og sjaldgæfari og því vantar fleiri endurskoðendur til að anna störfunum,“ segir Hörður og mælir hiklaust með náminu.

„En til að ljúka náminu þarf bæði áhuga og vilja,“ segir Hörður sem hafði strax gaman af stærðfræði á barnsaldri.

„Það lá alltaf fyrir að ég legði fyrir mig eitthvað þessu tengt. Góður endurskoðandi þarf að vera talnaglögur og nákvæmur og eins er gott siðferði og rökhusun mikilvæg.“

Eftir fimm ára starf hjá KPMG starfar Hörður nú sem löggiltur endurskoðandi hjá Icelandair.

„Ég breytti um starf til að geta sinnt fjölskyldunni betur. Á endurskoðendastofum er mikil tarnavinna og þegar mest var vann ég 100 til 130 yfirvinnutíma á mánuði. Það hefur sína kosti og galla, en ég var tilbúinn í það. Ég hafði áður unnið á frystitögara og kynnst þar enn meiri tarnavinnu en ég held að endurskoðendastofur séu stærstu kaupendur Noccoorkudrykkja af íslenskum vinnustöðum,“ segir Hörður og hlær.

„Það er sagt að starf endurskoðanda sé það leiðinlegasta í heimi og meira fjór sé að fara á skemmtun á elliheimili en á skemmtun endurskoðanda. Erkiþýpan er talnaglögur einfari sem lítur ekki upp frá skrifborðinu en auðvitað er öll flóra fólks í starfinu og ekki alveg satt að stéttina skipi aðeins grautleiðinlegt fólk,“ segir Hörður, sáll með sitt hlutskipti.

„Ég var smeykur þegar ég skræði mig í prófið en er stoltur og ánægður að hafa náð prófinu við fyrstu tilraun og það var óvenjulegt og gleðiefni hversu margir náðu síðasta prófi miðað við fyrri ár. Vonandi dregur það úr hræðslu þeirra sem hafa áhuga og sýnir að þetta er gerlegt.“



RÉTTSKIL
Bókhaldspjónusta

Bryndís Björk Karlsdóttir • Ármúla 29.2.hæð,
sími 562 7777 og rettskil@simnet.is